

Pekeliling berkenaan *Shipper's Instructions*:

Cadangan Amalan Terbaik (Best Practice) Dalam Pengisytiharan Barangan di bawah Akta Perdagangan Strategik 2010

Akta Perdagangan Strategik 2010 telah berkuatkuasa pada 1 April 2011. Sehubungan dengan ini, semua aktiviti berkenaan eksport, pemindahan dan membawa dalam transit barang strategik atau barang tidak senarai dan aktiviti terhad hendaklah dikendalikan mengikut kehendak Akta ini dan perundangan subsidiari yang berkaitan.

2. Bagi tujuan fasilitasi eksport, pemindahan dan membawa dalam transit barang strategik atau barang tidak tersenarai dan aktiviti terhad, dengan mengambilkira isu-isu dan tanggungjawab ejen perkapalan dan *freight forwarder* serta hukuman yang disabitkan di bawah Akta Perdagangan Strategik 2010, Pengawal Perdagangan Strategik ingin mencadangkan penggunaan *Shipper's Instructions* mengikut amalan terbaik antarabangsa seperti di lampiran.

3. Selepas berunding dan mendapatkan pandangan industri perkapalan dan *freight forwarding* serta wakil-wakil industri seperti Persatuan Pengilang-pengilang Malaysia (FMM) dan Dewan-dewan Perniagaan, Pengawal Perdagangan Strategik berpendapat satu garis panduan yang jelas perlu diwujudkan. *Shipper's Instructions* yang dicadangkan memerlukan tanggungjawab pihak yang ingin mengeksport, pemindahan dan membawa dalam transit barang strategik untuk mengisytihar samada barangan mereka tertakluk atau tidak di bawah Akta Perdagangan Strategik 2010.

4. Sehubungan dengan ini, Sekretariat Perdagangan Strategik ingin memohon kerjasama tuan/puan untuk menggunapakai secepat yang mungkin *Shipper's Instruction* seperti di lampiran bagi tujuan menjaga kepentingan tuan/puan sebagai ejen perkapalan dan *freight forwarders*. Sukacita dikemukakan cadangan *Shipper's Instruction* tersebut untuk pertimbangan tuan/puan.

24 Jun 2011

Pengawal Perdagangan Strategik
Sekretariat Perdagangan Strategik
Kementerian Perdagangan Antarabangsa dan Industri (MITI)
Malaysia